

ÁKVÖRÐUN FRAMKVÆMDASTJÓRNARINNAR

2003/EES/57/02

frá 7. desember 2001

um að samþykkja áætlanir, sem Breska konungsríkið og Írland hafa lagt fram, um að fjarlægja allan fisk úr eldisstöðvum sem eru sýktar af blóðþorra (ISA) og um að fella úr gildi ákvörðun 2001/494/EB (*)

(tilkynnt með númeri C(2001) 3938)

(Einungis enski textinn hefur lagagildi)

(2001/872/EB)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 93/53/EBE frá 24. júní 1993 um lágmarksráðstafanir bandalagsins vegna eftirlits með tilteknum fisksjúkdómum ⁽¹⁾, eins og henni var síðast breytt með tilskipun framkvæmdastjórnarinnar 2001/288/EB ⁽²⁾, einkum 6. gr.,

og að teknu tilliti til eftirfarandi:

- 1) Í fyrsta undirlið a-liðar 6. gr. tilskipunar 93/53/EBE er mælt fyrir um að í samræmi við áætlun sem opinbera þjónustustofnunin lagði fram og framkvæmdastjórnin samþykkti skuli þegar í stað fjarlægja allan fisk í sýktri eldisstöð, ef upp kemur blóðþorri, til að varna því að þessi sjúkdómur breiðist út.
- 2) Reynslan hefur leitt í ljós að þótt því sé við sérstök skilyrði dreift á tiltekið tímabil að fjarlægja fiskinn dregur það ekki úr líkum á því að takast megi að uppræta sjúkdóminn.
- 3) Með ákvörðun framkvæmdastjórnarinnar 2001/494/EB ⁽³⁾ er samþykkt áætlun um að fjarlægja fisk, sem ber að hrinda í framkvæmd ef blóðþorri greinist í Englandi, Skotlandi og Wales.
- 4) Breska konungsríkið hefur lagt fram áætlun um að fjarlægja fisk, sem ber að hrinda í framkvæmd ef blóðþorri greinist á Norður-Írlandi.
- 5) Írland hefur lagt fram áætlun um að fjarlægja fisk, sem ber að hrinda í framkvæmd ef blóðþorri greinist á Írlandi.
- 6) Með tilliti til nýlegra vísinda- og tæknirannsókna hafa framkvæmdastjórnin og aðildarríkin skoðað þær áætlanir sem Breska konungsríkið og Írland hafa lagt fram.
- 7) Ráðstafanir til varnar því að sjúkdómurinn breiðist út, sem lýst er í áætlun um að fjarlægja fisk á Norður-Írlandi og Írlandi, eru í fullu samræmi við áætlunina sem samþykkt hefur verið að því er varðar England, Skotland og Wales.
- 8) Fiskur er fjarlægður í þeim tilgangi að útrýma sjúkdómnum á sýktum eldisstöðvum og koma í veg

fyrir að hann berist til annarra eldisstöðva eða til villtra dýra sem eru smitnæm fyrir honum.

- 9) Ákvörðun um að fjarlægja fisk verður í hverju tilviki fyrir sig að byggjast á greiningu á því hversu mikil hættu er á frekari útbreiðslu sjúkdómsins, þ.m.t. hve alvarleg uppkoma sjúkdómsins er og annað sem hefur áhrif á hættuna, og taka verður tillit til fenginnar reynslu og vísindarannsókna.
- 10) Athuginin, sem gerð var, leiðir í ljós að áætlanirnar, sem lagðar voru fram, fullnægja þeim kröfum sem eru gerðar um slíka áætlun og því ber að samþykkja þær.
- 11) Til glöggvunar er rétt að samþykkja með einni ákvörðun þær áætlanir sem Breska konungsríkið og Írland hafa lagt fram. Ákvörðun 2001/494/EB er því felld úr gildi.
- 12) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um dýraheilbrigði.

SAMÞYKKT ÁKVÖRÐUN ÞESSA:

1. gr.

Hér með eru samþykktar þær áætlanir sem Breska konungsríkið og Írland hafa lagt fram um að fjarlægja allan fisk í eldisstöðvum á yfirráðasvæði þeirra sem sýktar eru af blóðþorra.

2. gr.

Ákvörðun 2001/494/EB er felld úr gildi.

3. gr.

Ákvörðun þessari er beint til aðildarríkjanna.

Gjört í Brussel 7. desember 2001.

Fyrir hönd framkvæmdastjórnarinnar,

David BYRNE

framkvæmdastjóri.

(*) Þessi EB-gerð, sem birtist í Stjtið. EB L 325, 8.12.2001, bls. 33, var nefnd í ákvörðun sameiginlegu EES-nefndarinnar nr. 116/2002 frá 27. september 2002 um breytingu á I. viðauka (Heilbrigði dýra og plantna) við EES-samninginn. Sjá EES-viðbæti við Stjórnartíðindi Evrópubandalaganna nr. 61, 12.12.2002, bls. 6.

⁽¹⁾ Stjtið. EB L 175, 19.7.1993, bls. 23.

⁽²⁾ Stjtið. EB L 99, 10.4.2001, bls. 11.

⁽³⁾ Stjtið. EB L 180, 3.7.2001, bls. 34.